



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu člana člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj 39/14, 59/22, 50/24), u otvorenom postupku za nabavku vatrogasnih uniformi, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak za nabavku vatrogasnih uniformi – LOT 1 – Nabavka radnih vatrogasnih uniformi, iz razloga što nijedna zaprimljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-15669/25 od 29.07.2025. godine. Obavještenje o nabavci broj: 1355-1-1-106-3-152/25 objavljeno je na Portalu javnih nabavki dana 06.08.2025. godine, kao i u Službenom glasniku BiH broj: 50/25 od 22.08.2025. godine.

Procijenjena vrijednost za predmetnu nabavku za LOT 1 iznosila je 72.000,00 KM bez PDV-a.

U krajnjem roku za dostavu ponuda za LOT 1 – Nabavka radnih vatrogasnih uniformi, Ugovorni organ zaprimio je tri ponude: ponudu ponuđača „ASTORIJA COMPANY“ d.o.o. Novi Grad, „ZENKO“ d.o.o. Zenica, „DANIAL S“ d.o.o. Tešanj koje su neprihvatljive, iz sljedećih razloga:

Ponuda ponuđača ASTORIJA COMPANY d.o.o. Novi Grad za LOT 1 ne ispunjava uslove propisane tenderskom dokumentacijom i ista se odbacuje u skladu sa članom 68. stav 4. tačka i) Zakona o javnim nabavkama iz sljedećih razloga:

- Izmjenom tenderske dokumentacije broj: 11-11-15669-11/25 od 14.08.2025. godine, tačka 3.3. pod c) propisano je da je ponuđač dužan dostaviti dokaz o akreditaciji laboratorije/tijela koji je vršio ispitivanje (EA MLA i ILAC MRA), sa napomenom da ukoliko ponuđači ne dostave ponude u skladu sa prethodno navedenim Izmjenama njihova ponuda će biti odbačena. Ponuđač u svojoj ponudi nije dostavio traženi Dokaz o akreditaciji laboratorije/tijela koje je vršilo ispitivanje, stoga njegova ponuda ne ispunjava uslove iz tenderske dokumentacije.

TRG BIH 6 | 72000 ZENICA

TELEFON 032 447 700 | TELEFON 032 447 775 - KABINET GRADONAČELNIKA | FAX 032 447 776

www.zenica.ba



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

- Dalje, Tenderskom dokumentacijom broj: 11-11-15669-8/25 i Izmjenama tenderske dokumentacije, broj: 11-11-15669-10/25 od 11.08.2025. godine, i broj: 11-11-15669-10/25 od 14.08.2025. godine, tačkom 3.3. i Aneksa III zahtijevano je da roba ispunjava uslove iz specifikacije i da je prošla laboratorijsku kontrolu; kao dokaz za navedeno, traženo je da ponuđači dostave uzorak robe u skladu s članom 49. stav 1. tačka d.) Zakona o javnim nabavkama.

Uzorci ponuđača "ASTORIJA COMPANY" d.o.o. Novi Grad nisu u skladu sa tehničkom specifikacijom, kako slijedi:

- Stavka 1. Aneksa III – Kapa – tenderskom dokumentacijom navedeno je da je na obodu nasiven preklop koji se kopča jednom kopčom (drikerom) metalnotamnoplave boje. Na uzorku kape ponuđača "ASTORIJA COMPANY" d.o.o. Novi Grad nema preklopa sa kopčom, a što nije u skladu sa tehničkom specifikacijom.
- Stavka 2. Aneksa III – Košulja – tenderskom dokumentacijom navedeno je da se kragna leđnog dijela završava u špic; Rukavi su sječeni u visini šava na grudima sa prednje strane...; Na sredini leđnog dijela od šavova prema dolje izrađena je jedna dupla faltna DUŽINE 30CM (+/- 5%) Na uzorku košulje ponuđača "ASTORIJA COMPANY" d.o.o. Novi Grad evidentno je da kragna leđnog dijela ne završava na špic; ne postoji šav na grudima sa prednje strane košulje; te nije moguće odrediti dužinu faltne jer ista nije urađena kako treba, a što nije u skladu sa tehničkom specifikacijom.
- Stavka 3. Aneksa III – Pantalone – tenderskom dokumentacijom navedeno je da je oko pojasa pantalona ušiven potreban broj ržuća za remen širokih 6cm (+/-5%). Na uzorku pantalona ponuđača "ASTORIJA COMPANY" d.o.o. Novi Grad utvrđeno je da se radi o širini od 2cm, a što nije u skladu sa tehničkom specifikacijom.
- Stavka 4. Aneksa III – Bluza – tenderskom dokumentacijom propisano je da su leđa bluže izrađena iz jednog dijela, a sa svake strane se nalaze rubovi okrenuti prema orukavlju. Na uzorku bluže ponuđača nedostaju rubovi okrenuti prema orukavlju, a što nije u skladu sa tehničkom specifikacijom.
- Stavka 5. Aneksa III – Majica – tenderskom dokumentacijom propisano je da se iznad grba vatrogasne jedinice utiskuje oznaka funkcije odgovarajućom bojom – Na uzorku oznaka funkcije je vezena, a što nije u skladu sa tehničkom specifikacijom.

Ponuđač "ZENKO" d.o.o. Zenica nije dostavio uzroke u skladu sa tehničkom specifikacijom, kako slijedi:

- Stavka 4. Aneksa III – Bluza – tenderskom dokumentacijom propisano je da su leđa bluže izrađena iz jednog dijela, a sa svake strane se nalaze rubovi okrenuti prema orukavlju. Na uzorku bluže ponuđača nedostaju rubovi okrenuti prema orukavlju, a što nije u skladu sa tehničkom specifikacijom.
- Stavka 9. Aneksa III – Amblem – tenderskom dokumentacijom propisano je da je amblem izrađen od tkanine tamnoplave boje – Na dostavljenim uzorcima amblemi su od tkanine crne boje.

Zbog svega navedenog, uzorak ponuđača "ZENKO" d.o.o. Zenica nije u skladu sa tehničkom specifikacijom iz tenderske dokumentacije, zbog čega se ponuda ponuđača "ZENKO" d.o.o. Zenica odbacuje u skladu sa članom 68. stav 4. tačka i) Zakona o javnim nabavkama.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Ponuđač "DANIAL S" d.o.o. Tešanj nije dostavio uzroke u skladu sa tehničkom specifikacijom, kako slijedi:

- Stavka 2. Aneksa III – Košulja – tenderskom dokumentacijom propisano je da su rukavi sječeni u visini šava na grudima sa prednje strane I šava na leđima I završavaju se sa dvije male faltne i šlicevi sa zadnje strane. Na dostavljenom uzorku ponuđača rukavi nisu sječeni kako je propisano, a što nije u skladu sa tehničkom specifikacijom.

Shodno navedenom uzorak ponuđača "DANIAL S" d.o.o. Tešanj nije u skladu sa tehničkom specifikacijom iz tenderske dokumentacije, zbog čega se ponuda ponuđača "DANIAL S" d.o.o. Tešanj odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

S obzirom na navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-15669-2/25

Datum: 12.09.2025. godine

DOSTAVLJENO :

- 3 x Ponuđači
- 1 x Služba kabineta Gradonačelnika
- 1 x Tenderska dokumentacija
- 1 x a/a

GRADONAČELNIK:

Fuad Kasumović

